



## Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

21. marts 2012

J.nr.:

01.31.06/12-00572

### Ineqarnermut Attaveqarnermullu Naalakkersuisoq

Allakkat assilineri: Aningaasaqarnermut Naalakkersuisoq

#### **TUAVIORTOQ**

### **Pingasunngornermi martsip 21-ani 2012-imi Aningaasaqarnermut Akileraartarnermullu Ataatsimiititaliap aalajangernera pillugu Naalakkersuisunut ilisimatitsissut – Suliaq nr. 01.31.06/12-00572**

#### **Oqummik saliineq Namminersorlutik Oqartussat iniutaanik iluarsaassineq**

Naalakkersuisut **inassuteqaatigaat**,

Konto pingaarnermut aningaasaliissutit 89.72.12 Inissialiassat taartissanillu inissialiortiterneq, suliaq nutaaq nr. 996.31.028 Oqummik saliinermut aningaasaliissutit kr. 16,0 millioninut qaffatsinneqarnissaat.

DAU-mi aningaasat kr. 16,0 millioninik amingartooruteqartillugit Nunatta Karsianit tiguneqassasut.

#### **Aningaasaqarnermut Ataatsimiititaliap oqaaseqaatai**

Suliaq matuma aalajangiiffiginnginnerani Naalakkersuisunut ilaasortap apersorneqarnissaanut aggersaasoqassasoq ataatsimiititaliap kissaatigaa. Tamannalu pissaaq sisamanngornermi martsip 22-ani nal. 11.00-12.00 Aningaasaqarnermut Ataatsimiititaliap ataatsimiittarfiani. Qinnuteqaammut tamatumunnga tunngavigineqartup oqallisigineqarnissaa ataatsimiititaliap kissaatigimmagu

Qulequttat makkua aallaavigalugit oqallinnerup ingerlanneqarnissaa naatsorsuutigineqarpoq:

1. Ineqartunik inisseeqqinnissap ajornartorsiutaanera – tamanna qanoq iliuuseqarfigineqassava?
2. Aningaasalersornissaanut ajornartorsiutaasoq:
  - a. Ineqartut suliaq suliarineqarnerani aammalu aningaasatigut qanoq akuutinneqassappat?
  - b. Ukioq 2013-imut Aningaasanut Inatsisissamut siunertamut tassunga aningaasaliisoqarsinnaava/aningaasaliisoqartariaqarpa?
3. Inissiaatileqatigiiffik INI A/S:
  - a. Aserfallatsaaliugassanut immikkoortinneqartartut INI-p qanoq atortarpai?
  - b. Iluarsaassinissamut aningaasaleeqataanissaminut INI A/S periarfissaqarpa?
4. Suliniummut aningaasaliissutissanik pingaarnersiutit: Oqummik saliinissamut aningaasaliissutissat kr. 100.000-nik killiliivigineqarnissaanut aalajangernermut sunamita tunngaviutinneqarpa?

Apersuinerup nalaani malitseqartitsiviusumik ataatsimiititaliaq apeqquteqartassaaq.

#### **Aningaasaqarnermut Ataatsimiititaliap aalajangernera**

Aningaasaqarnermut Ataatsimiititaliap Naalakkersuisunit inassuteqaatigineqartunut isummer-  
nissani **kinguartikkallarpaa**, apersuinissap qulaani oqaatigineqartup ingerlanneqarnissaa siu-  
nertaralugu.

Naalakkersuisoq oqaasissanut allattuiffimmik apersuinissamut nassataaqarpat taassuma assili-  
nera ataatsimiititaliap perusuppaa.

Ataatsimiititaliaq sinnerlugu

Andreas Uldum  
Siulittaasoq